

「國家社會科學基金重大項目」

何建明

主編

中國地方志  
佛道教文獻匯纂

人物卷

(61)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志  
佛道教文獻匯纂  
人物卷  
(61)



國家圖書館出版社

中國地方志佛道教文獻匯纂·人物卷  
福建省 南平市

# 延平志

宋·胡舜舉修 廖拱 廖挺纂  
據劉緯毅等輯《宋遼金元方志輯佚》排印



延平志十卷 (宋) 胡舜舉修 廖拱 廖挺纂

胡舜舉，字汝士，新安（今安徽歙縣）人，歷任建昌、延平郡守。《直齋書錄解題》卷八：『《延平志》十卷，郡守新安胡舜舉汝士，與郡人廖拱、廖挺哀集，時紹興庚辰也。序言與《盱江志》并行，蓋其為建昌守，亦嘗修《圖志》云。』《紀勝》卷一三三《南劍州·碑記》：『《延平志》，廖挺編，胡舜舉序。』南劍州，以西晉為延平郡之屬縣延平縣，故別稱延平。是志實為《南劍州志》。南劍州，北宋太平興國四年（九七九）改劍州為南劍州，治劍浦縣（今南平市）。轄劍浦、順昌、沙縣、尤溪、將樂諸縣。

仙釋

晉有衍客，隱郡之北山煉丹，丹成，舉家上昇。（《紀勝》卷一三三《南劍州·仙釋》）

中國地方志佛道教文獻匯纂·人物卷  
福建省 南平市

# 延平府志

明·陳能修 鄭慶雲纂

明嘉靖四年（一五二五）刻本

方外志卷之一

按故志志郡人物有神仙藝術藝術卑陋不足道也  
至於神仙渺茫可以無訓然其遺棄世榮脩然物表  
斯固諸賢之所不棄也姑改而輯之志方外

梅福

街客

廖藏

張聲

楊維

上官道人

常總

無求

饒松

漢梅福字子真九江壽春人初補南昌尉後棄妻子

煉丹往來衍山山玉華洞自稱九江道人丹成上昇  
因號其村爲梅岐里屬劍浦芹梢鄉

晉衍客南平人避亂隱郡之北山結廬煉丹丹成舉  
家上昇

宋廖藏字仲特將樂人幼業儒累應進士不第周遊  
四方遇異人得養真訣聞于朝真宗召賜坐茶話逾  
時藏進詩謝尋歸祀先塋辭姻舊而去後莫知所之  
張聲字鳴道通易象辟穀煉氣得養生法宣和間遊



延平結廬劍浦溪源山范氏子浚之夜夢有客叩門  
知爲異人拜伏求道術客取二冊遺范以飼之自是  
絕煙火食一日往郡西花心洞留一頌於虛舟躍入  
水識者謂水解

楊維字耕常南平人母陳氏年五十有六未有子忽  
遇異人授靈丹一粒吞之夜夢大星入懷覺而娠維  
生七歲始能言長而穎敏如風痴人好戲弄不事家  
人生產作業學道得三五飛神呼雷之術驅疫禱雨

輒有靈驗淳祐四年甲辰冬十一月八日具觴載集  
姻舊脩然而逝有自臨安來者遇維於塗寄蒲扇布  
履各一歸遺其女兄人遇時正逝日也啓棺視之惟  
隻履在始悟其尸解矣家人以扇履實于棺瘞興化  
院之前賜號清隱妙濟仙鄉披雲楊真人祠墓側  
肖其像以祀之俗稱楊道真君郡城亦有祠

上官道人南平人辟穀煉氣一日偈云處世紅塵五  
十人混世獨存今始沒時人若問吾歸處掃盡雲霞

一輪月後戍兵於廣西見之

常總尤溪人施氏子初母夢金人長丈餘持白蓮花授之覺而娠總在孩提聞酒肉氣輒嘔年十一出家總極聰明深通佛書有道行楊時過廬山見之與論性謂本然之善不與惡對胡安國亦喜其說蘇軾嘗爲作真讚云堂堂總公僧中之龍洪覺範作傳以軾言爲然

無求尤溪人劉氏子少業儒博涉群書尋棄爲僧遍

遊名山頗工詩有塵外趣時朱松尉尤溪與無求爲詩友嘗爲作詩集序

饒松沙縣人自少不樂婚娶嘗入山採薪遇異人歸自是落魄不羈常爲人傭工於田畝間時或亢旱主家謂曰聞汝素有道術能令水溢此乎松以鋤掘地引之水逆流而上頃更漲溢後於六月六日坐化于毗山鄉民塑像祠之凡有旱潦灾疫扣之如響宋末文天祥帥師道經其處士卒飢渴危甚松顯化持藥

原志殘缺

中國地方志佛道教文獻匯纂·人物卷  
福建省 南平市

# 延平府志

清·傅爾泰修 陶元藻等纂

清乾隆三十年（一七六五）修

同治十二年（一八七三）重刻本

仙釋

正平府志

卷三十一 仙釋

上

辟穀長生之術難索諸耳目目前故嵇中散猶以  
不逢石髓爲恨然不可謂世無其人無其事也  
佛氏之教徧天下矣而明心見性稱真法眼藏  
號大覺宗者亦鮮果有如支遁大顛辨才者出  
微獨元度子瞻欣然引爲同調卽昌黎亦且留  
衣爲方外友矣志仙釋

漢

梅福字子真九江壽春人初補南昌尉後棄妻子煉  
丹往來衍山中玉華洞自稱九江道人丹成上昇



因號其村爲梅岐里屬劍浦哨鄉

晉

衍客南平人避亂隱郡之北山結廬煉丹丹成舉家  
上昇

唐

裴頭陀嘗以鐵履渡江來居柟欄山剪荆棘結草廬  
趺坐其中座側石竅日湧米二升以贍之客至則  
增今竅猶存後人鑿而大之米不復出矣

赤松子凌虛真人神農時爲雨師常止西王母石室